

T 5422 13263.

3

~~5428/3263~~

王荅堂全集

臨川義仍湯顯祖著

哈佛大學哈佛燕京
圖書館珍藏印

詩

七言古

送趙中舍量移東歸并寄大勞僧

舍人鳳閣何爲者經年逐賊黃山下青幘繡甲
雙矛英百金轡絡千金馬愛收圖史開心句雅

能吳語對權儂可憐人馬一時瘦還憶曲臺初
過從年少年來新曉事又向大梁稱小吏舟楫
心搖白下亭衣冠眼熟長干寺不能兄弟去觀
濤且臨風物共登高歸看蓬萊幾清淺爲問神
僧東海勞

送袁滄州

十載披衣遊俠場朱樓四望臨清觴
不願單擗

低煙碧御宿舍花迴日光花光柳碧城南北青
槐馳道如髮直餘曲長留春暮情新粧似鄆朝
霞色就中有客賦蕪城美人滿堂予目成藹似
芳洲連杜若悄如幽澗落松聲文章不到金華
殿旌麾却向黃岩縣簿領關心君不閒章服籠
身我非羨羨君雙鳥近名山雁蕩天台委羽間
香草千名岩窈窕靈泉百道月潺湲何爲不向

龍湫發似畏惡溪莓徑滑動道桂枝青蹇偃忽
嘆蘭叢翠凋歌銷香點白世人情翠羽金膏不
厭行君到楚山時極目江湘歷歷覓孤征京闕
重逢霽煙雪爲子酣歌劍花折波間遊子惜遘
廻陌上春風愛離別春風蘭舫拂滄州袁公重
上觀臺遊爲看明姑青鬢色海塵飛盡莫須愁

金陵歌送張幼于兼問伯起

金陵花月蔽江空可憐六代多離宮潮去潮來
都應月花開花落等隨風真人握鏡開神烈便
作神臯賜金策二百餘年天下清往往將軍禮
逢掖肅帝高居俯絳河金碧詞人闕下多一日
鼎成罷宮觀詞人四海空勞歌佳麗南都足風
景浪客紛紜難記省挾策時過驃騎航調絃半
逐胭脂井張君別自老詞場兄弟三張此二張

昔歲過君梅乍吐是日逢君菊有芳
芳花幾度勞攀折晏歲崢嶸難具說
古稱遊子澹忘歸可耐思歸告離別
相逢相別不相難傲吏清時也閉關
最愛君家張仲蔚滿徑蓬蒿不出山

遙和諸郎夜過桃葉渡

諸公紛紛去何所隔岸熒熒高燭舉
若非上挾秦家姝定是將偷叩市女
一從西蜀老王孫千

騎東方總不論也乏使君呼共載也
無遊女解宵奔無緣此屬翩連去飄
飄曄曄知何處翠納香奩夜著人絳
蠟清笙幾回曙當時我亦俊人羣情
如秋水氣如雲有酒誰家惜酣暢饒
花是處怯離分如今兩鬢籠紗帽輕
煙澹粉何曾到眼看諸公淹夜遊心
知此事從誰道衙齋獨宿清漢斜燈
影籠窻半落花拚不風流長睡去却

持殘夢到他家

送前宜春理徐茂吳

西湖徐君美如此眇眇東來渡江水微颺木葉
江波生皓露芙蓉秋色死秋色連山客早悲倍
憶離鴻江月時舊蕊鈴陽醉煙柳動道宜春春
不宜豫章城西江水滿片雨疎花石蘭館獻賦
誰知錦組文題書直道珠盈椀一別蒼洲問白

雲金臺暑路忽逢君祇合飛冤填北海那堪解
慍出南薰芳臯羃塵辭青瑣及子風流度江左
孤亭水樹別留人別道煙霞須着我我邊知我
若逢君鄉處相卿自有人無事南湖催送漿扁
舟小婦好隨身莫嫌小婦恒隨從茗碗香鑪朝
夕供風雨離騷秋暮行荃蘭墨妙連舟重去去
西湖蕭鼓陳香絲艷粉逐年新不惜風流頻取

醉君來看見六朝人

懷戴四明先生并問屠長卿

八月十日到官寺是日臨齋多所思明堂碧海
舊經遊復道香街始爲吏三日南雍拜聖人爐
煙闕道青璘珣四明戴公昔臨吹金尊寶瑟殊
清真東堂罷講西窻竹愛聽蕭蕭長此宿早時
風雨上孤亭殘尊宛轉夜三更忽報金塘蓮半

吐遶塘銀燭看花行行屈折掀圖畫煙波滿
壁濛濛挂如此風流自可人禮法之人閒見嗔
世事英豪能拂手雪竇春泉宜醞酒不知漁父
醉曾無却道次公狂似有似有人兮華頂陰我
欲從之雲氣深清寒剡溪歷九曲藤花倒影搖
千尋光陰幾處愁情動衣冠黯淡臨門送山下
常聞鸞鳳音樓上能爲金石弄祗愁吟弄愜幽

心秀骨清容鶴在林綠荷灘畔花開賞新婦岩
前月映臨開花映月同誰子諸賓幾許能玄史
赤水之珠屠長卿風波宕跌還鄉里豈有妖姬
解寫姿豈有狻童解咏詩機邊折齒寧妨穢畫
裡挑心是絕癡古來才子多嬌縱直取歌篇足
彈誦情知宋玉有微詞不道相如爲侍從此君
淪放益翩翩好共登山臨水邊眼見貴人多卧

閣看師遊宴卽神僊

送內方山人還天台

滄海冥冥吹遠松青霞片片生殘峰括山一萬
六千丈山人一室蔥翠濃南連委羽紛靈聖金
芝翠籥玲瓏映四明雲日自開窻五縣山川若
搖鏡山人原合住山間每怪山人不住山我夢
天台無羽翼空歌積雪送君還

送許伯厚歸長水便過吳訪趙公

青雲繽紛眼前起勝氣凌空差可喜見說君才
二十餘我三十餘只如此嬌奢不服吳王孫節
俠還從趙公子家移彈鋏有千秋路入盤桃知
幾里心知年少足風流江上梅花雪夜舟別後
春光若相憶爲上湖南煙雨樓

雪中再贈伯厚

綠王之華青雪英高堂一奏多寒聲向人白日
祇欲睡與君達曙非平生片席吳江風欲颺深
杯急燭談逾壯知已全看一劍中通人不在千
篇上世人重別本紛紜今日酬歌一送君定道
師文能下雪還念秦青有遏雲

金壇歌贈王悅之從焦弱侯所徙太常東

署側

詩

四卷

八

金壇富家金作盆王生鄧生不到門王生背秋
來過我左拍黃卿右兩孫中坐但言世交薄漆
花改葉度寒溫家貧闕養妹未嫁有屋讓弟供
晨昏昔有仲華爲友娶于生贈妾風義存過江
讀書苦乏絕借住焦先花竹園采葛成衣葛枯
死采葵成食傷葵根秋清搖落已如此歲晏呼
嶸寧可言我聞此語長太息爲借閒房與裝飾

雨雪寧并左伯衣日暮還須故人食王生且坐
讀書詩珠桂如山我酬直黃生孫生苦饒興時
時過我酒可得君不見江東男子有饑寒江西
壯士無顏色

倭王刀子歌答丁右武

丁家次卿有寶刀海氣熒熒秋色高可是三年
綠煙裡精華落盡成吹毫聞道海王昔鑄此擊

鼓童男祀刀子抽驚片電流人目繞怯纖冰墮
寒指君今捉刀當贈誰與君對江心不疑處處
從行足知已一片床前光陸離

夜聽鄧孺孝說山水

終日他鄉作遊子到處不曾離屋底鄧生爾時
何許來罷酒彈燈說山水君家最近三茅君我
家貫看鑪峰雲山水眼前人不住遙山遠水復

何云

聽說迎春歌

帝里迎春春最近年少尋春春有分可憐無分
看春人忽聽春來閒借問始知簾戶卽驚春夾
道粧樓相映新樓前子弟多春日樓上春人最
着人

立春日憶孫生

孫生本是山東美却似江東作鄉里惜別何時
遊故人吳歛半入新安水水上寒雲暗不流片
片雪花吹錦裘似有金尊映明燭日暮留君君
不留留君不住祇愁人別後年光一色新莫論
明日爲人日且道今春已立春

黃卿歸廬江

荆卿何歸歸斗城紫蓬星高黃道明黃家俊叟

不五子中有一子字荆卿心愛荆卿卽爲字王
生孫生次第至盡日橫遊輕薄篇追風直上英
雄記風心楊柳正堪攀却送春江少婦還香氣
氛氳箏笛浦離聲婉戀鳳凰山氛氳婉戀無窮
已交態閨情良有以春來君去卽應愁春去君
來殊未擬來來去去出風流輕衫細帽紫華騮
花燈不信吹橫笛寒食能來鬪綵毬

送胡山人歸楚依朱子得

山人何處姑蘇客蚤歲避兵居楚澤年來却號
太形人主人覃懷二千石有書數寄覃懷君山
陽報書差一開桂林蘭署吐金約何得冷却鑪
峰雲爲問山人老何預冰霜遠寄無人處伏枕
寧知春蚤來歸裝數被歡持去花下乘舟興欲
殘春陰江上綠微寒但可解貂分客醉何當推

劍與君彈昨夜西窻起離色滅燭猶談張相國
數尺粉楮已作薪一門桃李俄成棘春宮歲塢
事悠悠眼底山人有一丘爲過滄浪垂釣處煙
波能得幾人遊

送祁羨仲訪琅琊丁太僕

汝家羅浮煙月深青衫笑拂梅花琴明珠珊瑚
亦何有海上蕭條遊俠久遊子蕭條白雲飛琅

瑯之人先繡衣幾度寸心橫夜語能餐秀色臨
春暉昨許佩刀曾寄與直似精靈夜飛楚半燭
燕姬胡帕頭對此啾啾作燕語男兒生不遇風
塵酒婦人中頓此身一擲蛾眉能百萬看君似
是有人

春酒篇寄帥思南

憶昨遊吳正秋月桂樹芬藍遠難掇流光閭闔

轉春風江上梅花動紅雪忽憶荆江水前行
春太守習風煙擊鼓半喧蠻部樂唱歌催斲漢
人田太守能文有風性時時臥閣能清淨無煩
問訊說神明但道移書知種姓黔中徼外若椒
蘭何如漢署老祠官已道清明書著晚空驚正
旦酒留殘每向長陵斟玉盞便似長安沾素澆
此時駘蕩客傷心舊日登臨人在眼眼中人物

悵春盃定解春池倒載回况復南中多醞法無
事東朝給酒媒

送俞采并示姑熟子弟

采故叔白鹿生
賢豪人也悲之

遊子常年風性高龍生地主垂干旄絳帳後堂
延弟子春裝別墅擁賢豪何處山川不留飲何
處風光能薦寢花落時粘縹綠箋杯翻只污蒲
桃錦爾時間井多懽娛爾家弟兄猶讀書長星

出天十年內經過舊地百不如江上更番起戎
隊河南學館今蕪廢地主才高落網羅門生產
盡歸闕闔君家少父識人稀白鹿騰空人事非
頻年落第常留醉幾夜浮橋獨送歸此情此日
堪憐處故人上官得陵署從今見憶直須來幾
日相過那便去春酒春燈花月深離愁今夕動
春心親知報李非無玉直笑栽桃未有陰

送臧晉叔謫歸湖上時唐仁卿以談道貶

同日出關

并寄屠長卿江外

君門如水亦如市直爲風煙能滿紙長卿曾誤
宋東隣晉叔詎憐周小史自古飛簪說俊遊一
官難道減風流深燈夜雨宜殘局淺草春風恣
蹴毬楊柳花飛還顧渚箬酒茗魚須判汝興劇
書成舞笑人狂來畫出挑心女仍聞賓從日紛

紘會自離披一送君却笑唐生同日貶一時臧
穀竟何云

觀趙郭里小園爲汾源郎中作

大原渡江入西越盡寫家山向雲閣去年臥閣
披此圖展轉續縑意難歇心知不是桃源路直
是玲瓏杏花發野客留連芳樹陰聞人候望新
橋月河橋月出樹陰開楊柳灣西映淺苔漁歌

暝反橫潭竹牧笛春殘半樹梅梅花隱隱雪霏
霏西翠樓邊啓竹扉蚤覺煙綃動玄勝况乃卜
築臨清暉清暉古寺寒鍾影經臺斗出西南嶺
粗知到漑近禪林却笑潘安長騎省君家上世
每逢僊竇藥藏書此洞天蚤晚過遊草市里春
秋得上針林門君不見語兒溪邊女兒語越國
夫人越溪女又不見石門帳殿起烽煙中洲一

地小如錢何似洛川諸父老長年如畫太平年

別光祿周公

諱弘祖

光祿大夫奉常士在昔符卿孝廉子曾遊此地
醉飛花今日飛花復遊此戴公蕭散帥即真酒
中駘宕風雲新煙波出沒邈難見我亦簪裾纏
此身正喜君來君亦病交情吏迹恒難并拚知
世業改容華爲惜流光與明鏡

僊蒲靈松二篇爲畢太宰作太宰石埭人
以五日生時以司農徵

蕤賓五日承暉慶詔赴三台肅朝命須經浦口
競華舟爲覽江心躍明鏡江臯節物紫茸芳刺
取僊蒲泛玉漿見說生辰逢艾節懸知出世御
蘭湯星流嶽降真竒詭異雀靈鶉對飛止高門
昔說孟嘗君畫省今推胡伯始明年賜扇及佳

辰宮縷千絲續命新爲報尚書班扈正兼懽襪
絲示農人

三峰秀韻撫靈松九曲長林御積風幾見竹花
吹粉礫曾看柏葉改梧桐何如此樹標齡節謚
鬱蕭疎殊可悅偃蓋全棲寶柱雲樛枝細拂金
城雪尚書當日盼庭柯爲想山中蔭女蘿誰道
桂枝攀偃蹇不令槐樹對婆娑喜司徒符昔

夢行臺并發春花送洛陽丹漆自薰香直取真
心作梁棟

帝雩篇宿陵下作

軒帝十二紀乾靈玉燭調輝寶露零胡門忽斷
江河色秘室遙占雲雨星初冬涉夏雩龍見帝
圃無青葱赤縣浪說行春杏葉田空思避暑芙
蓉殿邂逅陽門欲縱陰蒼葱斗氣不乘金曾無

太尉心勤雨似有星官起作霖吹幽舞帳從來
有直是中天遘陽九后土平乾翠竦橋行塵半
渴飛魚口靈臺開筴變離爻天子身親衣白茅
未道孝文祠北苑且看光武出南郊素服齋居
還減膳詔止帷宮復辭輦遙憐百郡有譏彈未
許三公行策免東西千里欲朝饑大廟還宣奏
捷威忽報風霾猶占虜仍遲露雨一沾衣加恩

洞壑掄才俊下粟鄖襄止流殪臺符詔獄有反
除織室陶官俱減進蠲圭食玉本精勤更待何
人出紫雲獨宿山陵祈帝祖因歌雲漢感吾君

天妃宮玉皇閣夕眺

寶蓋珠幢青佩裙拂雲來謁斗中君因攀帝閣
臨元氣却過雷門動紫氛諸天蒼莽開南牖下
視塵衢思矯首繡嶺平分草樹前清淮半出人

家後還緣梯路俯東軒睥睨飛翻儀鳳門表裏
都城如玉切高低道院以雲屯參差向北隨形
勢雉堵獅峰兩迢遞可憐平圃不抽花未許招
山徒植桂迴颺拂袖倚西樞樹影潮音入暮聽
山中氣接江流白江上山連浦口青青山四面
迴靈澤二百年來深枯柏能棲寶露足風朝會
徙陰煙宜月夕夕暉山色靄松門仙家日氣也

黃昏若待少年婚宦畢經須猿鶴怨王孫

夜月太玄樓

在神樂觀

芙蓉花發出城遊江光雲色映芳洲下榻縈回
金碧影開燈還動紫華樓樓前嫋嫋垂雲幄樓
上嘈嘈奏天樂何如邀佩戲層城直似吹笙停
半嶽輕風拂袖解人醒急雨能添別院清高興
明星一回首琪樹蒼茫河漢聲

太玄樓畱客

有亭不高良已清開虛作牖傍層城能通月色
和煙色可聽風聲襍雨聲紫閣流雲應可掬玄
樓夜色迥明燭也知清興未能闌便合移壺就
深竹風燈密竹雨珠

游擘擘又瀟瀟偏多

宿鳥翻冥密自有啼

寂寥人家草樹空成

列仙家洞館能清絕花間着屐總成遊竹裏吹

笙殊可。回闌側袖倚烏巾。此雨持沾衣上塵。
若道我疲玄夜酒相看誰是竹林人。

代書寄可上人

三十二相君不少衣鉢隨身一飛鳥可知捉塵
幾十年陌上遊覓看不了知君不住瑯琊山元
封主人堪閉關遠公龍泉在香嶽頗有佳賓能
往還蘆門江上西風入畫裡行人高戴笠幽棲

勝處一窺臨高座熒熒雨花濕

觀閩海游徵君南陽草屋圖歌

西窻颯雨寒秋燈蘇蘇海屋疑掀騰乃是丹青
拓雲樹寒裳欲往殊不能但見蒼松翠竹珊瑚
幹遠氣冥蒙翳天半南溪煙月影恒流北嶺雲
嵐光不散就中海人心寄遙不愛寶珠恒織蕭
有子抽書作郎吏當時習隱相漁樵須知鹿門

能貴身不羨隆中長嘯人出門慷慨亦閒事君
不見無諸臺畔海生塵

吹笙歌送梅禹金

感嘆龍君楊郡丞沈君
典太史姜孟頴明府

紫袂春衣可曾絮絲竹西州可曾去秋水微波
木末亭秋花半菊吳陵署從官迫鬱有三年似
汝驕奢留幾處邀懽托宿故言寒罷酒更衣幾
愁曙新林小婦寄書來一種風流許君據朝落

鉛華妾自知夜拂蘭幃君不御梅生開書欲長
跪托道留連在山水卽知遊子幾曾遊自說美
人詎知美先時拾翠凌陽池憶汝吹笙出桃李
天涯此日龍使君世上何人沈太史已覺叢殘
姜令非空驚綽約梅生是津途變化裁十年光
響消浮只千里潮水長看三往還交態今誰一
生死何況青眉并皓齒美酒銷憂只如此

答王恒叔給事憶了鄒二君

赤城芙蓉青桐柏煙霧連山海氣白中有懷人
幽意多却對墀庭芳草積金書婉戀風霞開寶
瑟逶迤月露夕飄飄欲羨茂陵人鬱鬱自憐金
馬客秋風祠下颯驚春逐日江東佳氣新分作
十年陵署客曾無一日犯齋人忽昨開軒細流
酌中酒中寒愁卧閣竹圃雙童會煮茶紗窻少

婦閒吹藥開門上馬卽人間陌頭喜見鍾陵山
幾處池臺招不去有時山水醉忘還道士天壇
長稽首玉女星樓時進酒激玉調笙世上無鳴
鷄吠犬天中有王郎奏事日幾封清顏秀筆動
天容每侍夔龍集東省曾窺鸞鶴下中峰傳來
玉價連城起祗愁蘭葉當門委山川白雲徒間
之日月河清今有幾鄒生玉律悲迴風御史無

雙行殿中豈有片言觸天上亦隨二美遊江東
江東佳麗殊未央持以待君君莫忘星軒倘使
碧鷄路斗酒相迎朱雀航

送饒伯真之天台兼訊王給事

明德長君
五松子

羅公弟子真神仙煙裝露宿能經年晝採靈花
盱眙宅夜調春酒神公泉武夷幔亭曾拂首子
晉中峰一攜手尋師直泛昆池蓮懷人戲折燕

臺柳爾時誰到天台峰大羅真人名五松五松
一去光響滅曾誰伐鼓朝天宗汝今再響天台
策淮水金碑註桐柏寧言六代有衣冠且道千
門對巾幘由來此地足煙霞綠海春深汝憶家
若見方平留畫扇爲報麻姑掃落花

爲郭考功題趙松雪山水歌

曉對鍾陵暮城闕開燈半壁蒼崖折就中可有

鍾子期遠勢疑無趙松雪松上徘徊多素雲
波繚繞出峰文何人似對琵琶峽寂歷橫琴如
有聞如聞吹末蕭蕭起隱膝層岩落春水香爐
之雲無盡時石家武夷亦如此

渤海臺歌

東海張公比舍郎高柳垂池拂我墻念此清人
亦古色自言濱州有草堂鹿苑香臺復何有留

與遊人着杯酒此中宜杏復宜桃能添醉色春
雲高翠柏參天槐影地歷落提壺春酒至時有
藤花落酒杯蒼雲晻靄幔亭開拋英弄酒客隨
意隔葉時聞歌笑來睥睨壓雲寒大澤黽蜒往
見蛟龍跡月出臨窺下深黑隱映樓臺樹光夕
別有幽人行嘆息問君解蘭不歸得君今過家
當入朝我家飛館蔭河橋江南橘香送君有剪

致猶餘青葉條鄉心滿眼寒溝潮太平郎吏宜
逍遙君不見魏之干木秦茅焦

送胡孟弢應制兼懷趙夢自劉子玄

蓮花峰頭君不住桃葉渡前君復度張燈作酒
臨朱絃美人一曲傷遲暮鄉心寧道隔山川客
鬢懸愁浥風露揮鞭極目長安雲盡屏回首江
南路君今與我非少年君容故好能談天傾坐

惟須綠玉管結交底用黃金錢誰言耳目都非
是始悟肝膽長不然數年喜讀絕交論昔歲貪
看游俠篇酌酒對君心不展北斗臨城路東轉
非關遊子易披離自是世途難偃蹇多揅獻歲
入西秦卽漸殘年泊東郊江外含梅冰雪深河
陽着柳春風淺春風魯酒送行軒青莎襍樹難
攀援舍人就詩柏梁殿方朔上書金馬門風塵

陌上新知樂煙雨江南舊客憐不見恒山趙夢
白爲問汝南劉子玄

送王伯禎同顧吏部兄弟登三山

今年南中冰雪多凍飲青琴無艷歌小歲忽覺
一年盡春風邇來十日過客中且對宜春婦堂
上酒開正旦酒何須楚澤動鄉心且作吳歛度
京口青衫試拂柳溪橋美人江上問迴潮玉京

諸峰若浮霧廣陵城郭似青霄京口美酒今如
何憶我當時遊曲阿意氣未如荀郎將生年欲
過王清河

寄馬尉雲中

生兒作女湏學藏男學作奏與拍張拍張乍可
行邊野作奏殊當耀殿堂豪情自喜作遷客數
日典衣行治裝清淮被病秋色遠雲中擊劍春

暉長見說名王夸漢物傳聞代女愛胡粧男兒
一作邊城尉仕宦何必尚書郎

寄賀知忍清齋

葱陵杳靄江煙深懷人不見愁光陰已覺清和
臨夏首可憐駘蕩接春心與君芳意何冥幕相
憶西齋坐玄寂解風乍獵芙蓉開調露似聞珠
樹滴少年能事卽清真何須不玩帝城春仙官
自有華陽逸友道還期伊洛人

送于公葵歸金壇

年少金多亦不惡能基人品懽能作莫因長者
避風流自是名人好音樂秣陵可遊風景多衣
簪首夏猶清和與君芳意何曾盡別峴芙蓉生
淥波

送劉玄子使歸

詩

幾歲芳衿散城闕草綠煙波漬雲月河梁斗酒
會須傾雲閣寸心終未絕劉生風義汝南人何
年青鬢帝城春上憐徐樂獻書晚人識相如乘
傳新星軒擘擘金陵道清暑開尊愜倫好那堪
晏歲雪紛紛直是行人心草草見說淮南津吏
迎還將歌吹度蕪城足歷五都有留贈才傾一
座爭知名歸去梁園動春色一種風心吹臺側

情知愛少亦爲郎爲許含香能見憶菱蕤意氣
復何云經湏垂晚立功勳不似世儒重文法祗
堪簪筆事明君

送乳林齋經入東海見大慈國寄達師峩

峩

大勞僊人憨復憨乳林印經南無南小劫愁春
七年七大海行人三月三此日青城流梵唱達

觀大師汝和上華手纔抽寶葉雲香心正宿蓮
花藏汝去東行入海那汝師西映玉輪江音光
寂寂雨花暮獨宿風吹明月幢

招梅生篇

敬亭雲飛出祠署新林夜客遊何處
翩翩桂樹可重來宛轉花中詎能去
青絲係馬繚楊條斜簪細帽作輕飄
打櫂浪催桃葉苦投壺醉喝蓮

花嬌揀知着處能唐突爲許穠情兼弱骨寧知
有女泣春雲不悟同人候秋月同人秋月對河
津翠竹流螢風露新空拋錦字持招客無那香
纓欲挂人

董光祿招遊城南三蘭若同南海曾人舊

卽事

新秋縹緲孤飛鶻我與世人殊恍惚董公自是

心期人片語相邀出林樾洞庭曾生颯前往自
覺嶺海氣超忽峰雲昨夕水波生細雨微寒弄
織葛主人小憇長干寺世界微明水天佛聖母
蓮花誰送致東海紫衣長信謁開經錦氎照掀
翻乞食香厨能細滑忽然興寄盡飛鳥別自亭
臺生木末虛壑階前山翠微夕陽樹裏江明活
隨意觥籌就花雨滿目山川映雲物北瞻陵嶽

東霞開南候方山西日沒井里依微界斗城宮
殿玲瓏對天闕丹陽王氣隱崢嶸紫海帝江相
遶幹西北薇垣燕氣高東南地軸吳都濶董公
繡衣歷河華曾生草履過閩越各自論都有形
勢獨此開天正葱鬱得生中華在倫好况直太
平卧簪紱且追金策度神臯爲拂寶花依佛窟
高僧神理舊微茫吾曹酒意新疎豁已覺數年

兼吏隱復是同人思清越河漢無梁過七夕海上靈槎占八月董公早晚未留滯曾生信宿當明發銅盤碧藕青絲壺乘閒醉就雲公歇

送曾人舊由武夷還南海

桂樹之南梅花渚洞庭山人曠幽阻挾日丹霞不作雨中星大火初流暑芳榭凝塵怕着人冰壺貯雪須留汝行看障壁盡涼風坐見星河流

織女帝鄉雲氣來蒼梧遊子秋風生白紵闌干木葉先秋鳴蟋蟀草根深夜語三千雲海風初積四十才名春未舉葱崖赤徼問流人花州石壁藏僊侶我友祁生久溟漠半歲孤兒今幾許卽死何人懷報珠此生在日能張楚有才歷落宜自愛君休頓挫神色沮珊瑚鏡臺明月珠結采飛光無處所直爲豪情貪壘結豈少金錢學

羈旅洪都僂候我沈冥建溪秋色君容與南中
桂樹秋芬氤笙歌一曲武夷君獨笑幔亭星月
夜爲憶西山鸞鶴羣

送周宗太遊泰山

吾郡東鄉人
自號劍石子

吳門佳山亦無幾飛風積雪淹遊子咫尺佳遊
難定期何況懸情說千里陶陶孟夏清淮深君
從泰山遊孔林侵星發掉浦江曉追風息策琅

陰淮南泗上寧疇昔魯酒曹衣嘆行役漁歌
向月杏壇人鷄鳴看日蓮峰客登高望海幾時
還應聞鴻鴈入江關莫信人言天下小孔遊殊
未出鄉山

太常謝公比泊天妃宮有作來年正朔立

春

謝公前使琉球感
天妃神光濟海焉

漢使河源虛織女君得天妃下神語海氣雲驚

詩

葉壁山江關雪憶梅花嶼白澤賜衣金佩刀神
鯨怪燕爭波濤精氣自凌星氣遠功名早遂風
雲高只言世上堪平步候氣尋針非此路常依
北闕玩芳華暫向南都瞻玉樹南北園陵佳氣
重太常新入近天容况復青郊候祈穀立春春
朔幾人逢

署客曹浪喜

今冬寒多忽作煖羊脂臘酒青蕤椀達曙留連
歌笑言蓮花漏水今宵短點燭侍兒熏繡衾新
綿細帖令人懶始怪明星出不低何來曙鳥啼
都滿疎窻小竹真蕭瑟淺帳寒梅動疎散客省
經知無印開祠曹報說添人管北闕雲霞青鬢
疎南朝煙月歸心款鍾鼓空思長樂宮江山別
築忘憂館四十頭顱君不知爲看年來衣帶緩

榆林老將歌

奇萬
丘澤

榆關將軍紫花額自言能拂雙枝戟登臺望虜
識風塵度磧尋營知本脉娶妻胡語能胡言盜
馬與官多得錢石州雖殘虜多死榆林獨出兵
氣全頃緣互市邊籌假市馬與軍非善馬牽過
倒死卽湏償就中更有難言者餘閒老將學耕
耘後來兒子不能軍但願英雄不生虜兜零無

火更何云

邊市歌

中興漢水天飛龍天街月氣何雄雄已深吉囊
占河曲偏多俺答嘯雲中二十年中俱老死分
頭住牧多兒子一從先帝許和戎盡說銷兵縱
行李也知善馬不能來去去金繒可復回未愁
有虜驚和市且是無人上敵臺別有帳中稱寫

詩

契解誘邊人作奸細上郡心知虜騎熟西州眼
見孤軍綴也先種色何紛紜五千餘里瞰胡羣
不說遼邊小王子殺降前後李將軍

鳳臺同人望句曲

金壇陵西六十里岫穴層連曳句已青芝碧檢
搖春林夕露朝霏翠靈葑秣陵煙雨青冥開江
岍迴帆颺落梅世路悠悠忽不愜爲惜風花長

命杯樓臺罷望青歌歇珠窻掩映仙桃發方看
石道起雲霞試與松門弄煙月君不見秦皇嘆
息東遊來伐鼓鳴鍾山谷哀美玉未斷真人氣
幾度春心臨鳳臺

重過石城碣

石城二十四花樓江南置酒飛花愁在處胭脂
久零落不知冠蓋能風流拾翠江邊猶記否含

笑含頰送君酒滿目秋光無盡時自折蓮塘花
下藕

文登羽客謁齊王子宿天妃宮

四十爲郎忽欲老海月江花真草草何處煩憂
著此身誰人未老思僊道客卿行色滿煙霞王
孫故國多梨棗每說從人大父遊安知不羨兒
童好長嘯相看了君意明珠闌干須自保玉女

祠前雲氣流春官署裡明星早忽忽臨風吹玉
笙蒼茫欲認鷄鳴島

凌陽篇

金城石室晝氤氳岩竇曾棲漢令君朝飡飲日
赤黃氣春食流空葱翠雲爲愛凌陽僊侯美竟
日清談縣中理綠水飛看白玉魚丹書教服曾
青髓已知兄弟逐絃聲復聞妻子好吹笙參差

二女青童侍窈窕雙簫白鳳迎江上絃歌一迎
送雲表笙簫還按弄斜睨白嶽白龍飛直駕黃
山黃鶴控龍津鶴苑駕翩旋地脉星臺吐玉泉
祗道冲飛裁七粒懸知服食已三年精靈歲月
潛遊陟氣候煙霞難望識朝祠勝節罷中元夜
谷餘光空五色蓉城秋浦送飛軒紫霧春潭濯
夢魂未見雲光同葉縣且欣風物似花源

送杜給事出憲延安并問高君桂吳君正

志二郎吏

杜諱華先失同鄉楊太宰意出

金臺桃李氣相新接手徘徊君意親君向河源
作星使予從江表寄波臣不謂君遷亦南省祠
曹歲月蒼梧影雖知歷落映心期未及留連盡
煙景何知卽出鎮西軍晴雪芳臯歸鴈羣少婦
將雛裁滿月尊君割錦正停雲吏迹牽旋從此

始邊候烽煙殊未擬由來計策重諸生似是人
情薄鄉里豸綉牙旗君少年何必男兒不在邊
甘泉健令宜君尉獨笑爲郎江閣眠

江東歌

三山江上翠崔峩草綠風煙春氣和天宮繚繞
金陵麓人家映帶秦淮河迴廊屈曲通晴雨馳
道流離瑩月波南中富樂風塵少天下娛遊子

弟多悠悠滿目經時歲忽忽盈懷阻嘯歌意氣
周郎三國盡文情庾信六朝過江南丈夫會早
天春心不飲蕩如何

江東歌
大春冰不消萬畝冰
綠風煙春氣和天宮
同浪三國盡文計與計六博戲
以南丈夫合早
多悲悲目擊却悲悲
盈剗即歡烟意屏

玉茗堂全集

臨川義仍湯顯祖著

詩

七言古

寄李峯峯內鄉追憶陳寶鷄

僊令長安君以後繡服霑春
幾迤逗赤縣彈琴
目一時公庭舞鶴冷清漏
吟浪紛紜陳寶鷄鳴

輓載酒御橋西諸賓歷亂凌風舞小史溫融映
雪啼意氣滿堂心自許密燭迴簾深夜語誰知
生死十年期忽漫浮沉兩僊侶陳君曲折殊可
憐君家一掌順陽川隆中故宅若爲遠安衆諸
劉時往旋少室僧來喜相慰能言峩峩客身閒貴
兄弟中原詞賦名兒郎上路風雲氣紛吾四十
滿爲郎每愛嵩耶夾內鄉幸好分麾河嶽路真

須一飲帝臺漿

三日二碧王孫山亭飲

金陵岧鬱難攀援孤根碧海齊王孫王孫富麗
豈無有襍沓風塵誰具論熒熒二碧始清絕衣
香約綽相寒溫小碧家臨漢西路次碧宅近清
涼門清涼迴高見蒼莽籬門正接王孫園不嫌
唐突興俱往且爲略約開殘尊初經窈窕上林

閣便覺氣勢如山村斜臨江臯隔睥睨前瞻天
關正軒轅但坐自令佳意出遲遊尚及春光存
翠薄荆榛徒極想花蹊桃李知無言忽看城闕
歸雲度起視簷廊宿鳥翻向夕餘妍定三五何
妨滅燭臨高軒前遊但記風色亂未覺今朝月
氣昏無事王孫惜芳草自然幽客眷蘭蓀

聞王悅之說閭門隱者

王郎道有閭門人白首青蒲自編席入城賣席
常清晨未到中時卽歸宅便持百錢虎丘寺但
坐相逢成主客就飲何曾忘嘯歌歌罷回船動
西夕自言一生不持扇半世蓬頭少巾幘三家
市裏足埋藏百歲人中堪戲劇爲看閭門來去
人不爭遲蚤俱頭白

憶祁羨仲武夷

建江煙月武夷君幔亭綵屋清溪門杳草霏花
紫霞襍酒行命奏賓雲曲鄉人男女皆會孫罷
起翩翩朝至尊弟子壇場闕春色賓從笙歌清
夢寬僂骸半枕若沉月千花疊棧搖飛雲羅浮
祁生好留此九曲鳴榔清嘯聞

送梅禹金應制入都

文脊陵陽幾千仞上有閒遊公子俊流水琴中

寫素心博山爐畔搖青鬢梅壠霏霏阻笑歌花
田灑灑遲芳信每怨春來不見人幸好人來春
欲閨春閨春陰桃李蹊逸興豪心詎肯低結伴
京華聊自喜含情江館足攀携春穀文縈綠波
館敬亭合杳青雲梯正思公子青蘭暮肯惜王
孫芳草萋芳草芳心難自歇與子留連玩芳月
窺飛故燕久應留學語新鶯殊未滑香臺棲宿

臨三山蘭署過從映雙闕借問吳宮
似燕都遊俠窟燕都複道靄神居星
有餘呂郎舊閩連申嶽樂客初封從
主人能載酒西京才子宜上書雲水
激才名四十看何如爾家仙尉吳門
汝飛靈質青林芝菌雲欲開淥水芙
陸生洛下古無二張率吳中今有一
未歷露寒

夸羽獵且向朝陽候雲物朝陽僂署接才英
目空江留佩聲閨中少婦憎啼別曲裏諸姬解
咲迎直取終春花月滿不妨初夏雨雲清繡袷
汗色持存在絲騎香風觸送行行拂袖舉華
箔別有名流眷青閣幽意寧歸暮復朝容華稍
悟今非昨猶多俊業倚芳堅似少深心過柔弱
經湏飲玉上池津莫學投壺飛電爍飛光滅靄

世續紛避世南郎君不聞自許山川儲歲月止
持歌笑抵功勳來時蕭索風雲合去路參差河
漢分定向燕臺陪駿影還念江臯遊鳳羣

夏州亂

夏州判軍如五堡迫挾藩玉磔開府策蘭山前
高射天花馬池南暗穿虜前年通渭血成壕天
上太白愁烽高不信秦人阮翁仲鑄金終得鎮

臨洮

黎女歌

黎女豪家筭有歲如期置酒屬親至自持針筆
向肌理刺涅分明極微細點側垂蛾招花卉淡
粟青紋遶餘地便坐紡織黎錦單拆襪吳人綵
絲綴珠崖嫁娶湏八月黎人春作踏歌戲女兒
競戴小花笠簪兩銀篦加雉翠半錦短衫花襪

詩

五卷

六

裙白足女奴絳包髻少年男子竹弓弦花幔纏
頭束腰際簾帽斜珠雙耳環纈錦垂裙赤文臂
文臂郎君繡面女並上鞦韆兩搖曳分頭携手
簇遊遊殷山沓地蠻聲氣歌中答意自心知但
許昏家箭爲誓惟牛擊鼓會金釵爲懽那復知
年歲

萬州簾障子歌

劍門藤絲如髮細織作爭先出新意十二雲屏
海上來平波瑩熨瀟湘字纖纖閨指真絕竒闕
花側葉鳳交嬉高吹海色障風日遙憶煙蘿擺
月時

伍仲元老人飲酒歌

青雲老人何爲者高冠細袖長人也家多故事
饒談笑年少他鄉劣遊冶老去初爲童子師貧

來未覺交情寡到門問酒隨生熟坐地吟詩襍
風雅有子能裝翡翠花無人獨爨青松把謝郎
奕墅宜酬對羅公講席曾沾惹白雲東岡草蕪
沒綠竹西塘夢瀟灑猶記長橋春醉時月出高
林人上馬

送帥從龍北上

忽忽鶯啼二三月灑灑春隨遊子發但覺林泉

幽意深方悲世道交情歇我與若翁直晉人岸
憤留連如笑嗔金錢除書不控眼連珠酒令當
爭新深燈起坐風雷迅洛誦之子驚神駿翁當
厭世有書留我尚爲人覺才盡與翁早拂長安
鞭江山何限酒壚前那堪耆舊山陽笛獨送兒
郎江上船江上從龍日千里極目搖帆我心喜
老矣當如長路何少年自致青雲耳

寄麻城周少愚太學

亭州布衣今已老十年踴蹬長安道與君遊處
可憐人煙花漠漠傷懷抱令弟孝廉殊秀羸秋
月秦淮照人好燕子江清回夜闌美人出門亦
草草正擬新驩兩弟兄何悟交情一死生念此
過江欲愁絕在日滿堂誰日成當時我亦鳳臺
綠衣人去舊銷魂無問江湘一來往含情含

送與君論

送徐吏部出叅閩藩

漢家高士出南州後人千載嗣風流山川不鬱
精靈色文物長陪霄漢遊君美顏髯多意度惜
在南都稱吏部何曾尊酒忽離分碧海泉山春
洗霧此時兵火絕東南令節衙齋每放叅見說
南方花木早知君遶屋樹宜男

送太常西署翁君歸潮

肅祖玄威兵積戰酋雄俺答天心見北闕大臣
誅死多汝好家公當一面金革衣冠鐵林冢詔
書星火潮陽縣蒼梧起家多苦霧紫荆過國仍
微霰文武全材一豁披忠孝深心兩留戀精華
寧雁尹侯書蒼茫莆海鄒公傳尚書功名星月
旗卒不封侯天子知有子晚入師氏學有女遠

嫁鄒公兒鄒君與我長安道鳳池蓮府非其好
公子叅軍亦何有得薄南常轉風操親祧朔食
每經過帝寢年華多祭告素王自合鍾球禮元
勳畧受丹青報稍遷清秩奉春祠得侍玄都觀
羽翮三年奏最自公府四十爲郎豈高蹈君當
勉爲太夫人姊婿中書足鸞誥誰知卽作羅浮
遊只尺雲濤春浩浩歸攀桃李惜羅裙却過金

城樹紫芬終當一出臨邊郡且學圖南候海雲
三生落魄歌送黃荊卿

世上衆生多沃若我處三生常落魄孫生美色
無婦人與伯同寒翳空郭江東王生遙寄居士
床并食時有蛆無油白日自纂組小婦能繡身
能書淮南黃生時折簡半尺青絲寄錢眼君不
見杖頭纔可百餘錢未問中人十金產

送彭虎少歸滁陽謁丁僕丞馬司理

春明遊子逐春歸襍樹花開鶯亂飛照水銀鞍
桂枝樾片語維揚初拂衣藉草臨岐當日送班
荆贈恨神魂動瑯琊遷客寄書來數道孤眠恒
見夢夢回江海一相親色笑玲瓏似燭銀若非
醉色招才子定是琴心教美人似有多情彭虎
少落筆雲霓紛照耀在北從知王氣高來南更

索金臺妙愁予空谷謬春聲小吏津前見馬卿
爲報張憑言道德祇應公子著刑名

送蘄水胡啟賁之通州

昔日逢君泛酒樽
白鬢鬢髮如沃金馬門前
頻見君似是凌陽嘆荆玉江漢英英氣屬天
旰
昌宛宛近臨川從來健令輕盤節直是時流重
曲全水清石見渾常事復道風波海門地異時

公府惜沈才是歲朝家誅酷吏清時那得遂抽
身仕宦從知欲苦心獨命春杯悵離別維揚花
月是通津

答恒叔并憶夢白伯符

玄湖煙雨半霏微鍾阜晴雲濕更飛卧聽鳴猿
谷曙起遊看宿鳥山明歸由來意性難塵襪到
處風流饒吐納吳中有酒酒須酤洛下無書書

省答相看似憶海人煙
犯雪裁書已隔年
巾子山前憑岸幘
旗亭樓畔好迴鞭
多君正直能玄史
今日南中美無此
寶刀將寄只丁卿
玉律閒調是鄒子
別後交情一問君
山郎謝病欲何云
如今曉事歸年少
漫道長安吃子雲

送周子中歸楚追憶其叔見素沂孝廉并

問王子聲

君家死叔不曾癡
每到南中相憶悲
經過七夕同眠處
那道千秋無見期
向後汝家稱莫逆
兼之若輩多名迹
看君擲筆斷虹霓
霓令弟調弓聞霹靂
青臯霾靡望無窮
去馬翩翩入郢中
爲憶先朝王夢澤
烏衣殊不羨江東

寶劍贈龍身之

甘棠聽棘舊池陽
萬人遮泣動臺郎
沉雲不散

詩

五卷

十三

三天日是雪先浮六月霜沅陵拔幟功名偉世
路何人惜葑菲卽知潘岳斲除名不道中郎爲
敝鬼晉帝營西日彩收吳妃宮北水雲流當時
并道豪雄主今日翻爲詔獄囚龍生滿身俱俠
骨此事當時殊草率不知僞青出誰人乍許爰
書歸獄卒遺君寶劍莫輕裁美酒銷心亦怪哉
見說漢家尊太守春風應得赦書來

聞罷內操喜而敬賦

世皇初御玉麟駢左右雲龍相映飛重華殿上
徊青盖環碧池邊賜寶衣胡來自有玄兵殛清
宮那用旗星直也曾九御上西陵也曾七馬遊
南國七馬空餘碧玉驕先帝騎將出殿朝偶過
上林聞獵諫旋停中禁入兵妖吾君射騎稱雄
便十載杓提客星見楚相晨趨寶善門徐戎夜

出圓暉殿文昌未動忽先摧可笑千官發佞哀
一禿待麾蒲子去雙驄原爲栢人來由來聖主
心存變在日曾尋霍光傳因茲中貴許權兵詎
是美人能教戰貂璫自古說刑餘可使操兵向
玉除授劍章龍那可道飛刀笑虎欲何如懸知
此事關朝社他時將相難高下北斗三垣忽夜
明西園八校從今罷自此龍阿不倒持長無兵

氣入宮墀小臣拜舞高陵下願壽吾君億萬斯

重別東鄉周廷旺

前時別君殊倉卒賓從如雲散城闕爲言乘興
卽宵征詎道淹襟阻明發飛風積雨斷行輪去
月兼當壬子旬沾衣並未除春服爨桂還應苦
濕薪咫尺行期難定擬何況懸情說山不獨身
來去有遲留似我簪纓詎由已晴明須去不須

疑勝處須遊常苦遲君看杏叵歸來日夜是重
陽風雨時

曾人信

群胡水遠

三江臨蘭石石頭丹竈村南海數家

冠蓋里花州

不碧珊瑚根曾生住居執力連此為

訪金華趙夫子

水亭觀右軍真蹟

得誰字

閉門學草初臨池何處高燈清宴時白日亭亭
江上暮此意悠悠知為誰開軒拂匣鸞龍色滿
目琅玕寧可持不信歸來焚萬帖今宵始見王
羲之

送安卿

明星祠前夜通火此外祠官閉壇坐白日風塵
橫直遊只似安卿無不可安卿此時三十餘未

詩

五卷

十六

三十時金陵居去今十年始相見當時太學今
何如當時禮樂從寬政三山陌上繁華盛莫言
槐市富簪裾且說蘭房襍衣鏡五陵年少宿青
臺一歲煙花幾度開驕驄逐處尋人去鸚鵡排
門喚客來是日新妝殊可動高樓大道連雲棟
別有妖姬不見人動是安卿出迎送迎如新月
送如雲個人貪着茜紅裙揚州大舸歌將去天

卜風流姪殺君爲問佳人近佳否桃葉渡江此
來久詢知此地舊繁華不似從前盛花柳花柳
迎春不貯春舞榭粧樓貼向人亦知遊子偏多
病未許逢人卽道貧安卿詩人亦畫史翩翩世
上佳公子釣魚巷曲水亭幽隔水平衢入花裏
世路蕭疎君得遊一行作吏只關愁春色明年
亦如此昨日悲秋今憶秋秋盡雲寒菊有花吳

山惠水是君家不惜秋光與君酌水氣城陰生
暮霞人生對酒莫咨嗟月露光陰判不賒有興
調琴就明燭隨宜拂袖枕烏紗君不見胡繡衣
陳寶鷄此時但附要離塚何曾一醉太常泥一
醉城頭烏夜情滿船燈火送安卿不憂清客隨
潮去自有諸郎能夜行

哀魏伯子

美一人兮魏之昆昔之公子今王孫顏如若華
心美玉弱冠詞名擅江曲少年愛我清盈盈雲
卿湖前牽袂行十載風微闕迎送淒鏘絕筆賢
臣頌張公憐才自古人手揮哀藻散沉淪令弟
鴛鴦折前翼獨影羈棲南自北江南男子多天
年好色好書那得全人生有名亦偶爾何必才
人都老死

爲吳本如明府去思歌

使君去時一年與我好自言學道苦不早紫柏
師來江上春黑月船移天外曉臨川江西一大
冶晝坐一堂若爲了如觀千眼一切衆獨露一
身諸事少回身轉眼能幾時琴裡禪心誰見知
正復歡譔涕歎生爲祠君尚能來人去思心知
使君爲道不須此未能免俗聊爾爲

陳烈婦歌爲張華亭作

同安苧溪生女殊前有許梅後陳姝陳姝本是
清寒女珠玉爲心金佩無十七來歸多婉婉能
諧妣氏勤尊姑鳳岐爲夫數家難刺促感勸常
歛歔海風障雨斷垣下書卷藥椀匡床俱鳳岐
吾伊更寒夜姝時伴績聞詩書自言貧富有天
意但得雙棲百不如何悟雙棲不雙老鳳岐瘦

死青鏡孤彼姝號天淚填臆兩人性命如交蘆
買棺必雙穴無兩得藉螻蟻當前驅爲夫立兒
拜宗畢絕粒九日經其廬鸞訛雉經事希有吏
民三老成驚趨姝顏如生結不解就歛同車夕
陽隅至今隴樹發精采連枝上有雙鴛呼張家
自是文章族猶子爲子冰玉壺手提白石老人
傳托意青雲士大夫爲臣死忠婦死節丈夫何

必多着須

過貞湖王孫問疾

帝子閣中寧獻王神仙開國多文章龍孫斗西
實宗老一時貞吉還宗良宗良一生稱長者古
色峩峩澹瀟洒朝論幾回擇宗正名流是處酬
風雅十數年中餘一人七十老翁餘半身尚有
天機出文賦深堂見客隨車輪三年別君常忽

忽視日相看怕蕪沒後來作者知何人世亦不
復貴此物我來雨雪病經旬久矣相忘世外春
偶欲向君舒一笑會見龍沙出勝人

綠漪園聽簫有作同耀先

平昌此亭能種竹但有此君人不俗非貪翠氣
影紅粧會與簫聲搖綠玉風漪綠玉暮雲寒瀟
湘水色清闌干只道於中耀靈鼠那知其上游

飛鸞飛鸞窈窕籠烟雨包山丈人此亭王家似
渭南稱素封人如江上依慈姥何來有客宜幽
閒綽約玲瓏君子山不妨仙縣移琴曲竹葉樽
中時往還

玉雲生過平昌徐生畫扇爲別

君子山前營射堂瓊林桂苑隨穿楊碧玉溪橋
嗽金石絃歌市里合宮商別有書聲隱巖壑盡

日停雲心未央相逢露草誰知美獨宿幽蘭殊
自芳何來作賦雲林客爲看鳴琴星宿郎一見
徐生漱清色便欲同車還故鄉結交有神那得
曉邂逅無多難可忘點綴柔紈送心素按抑高
歌迎艷陽誓指青松白日短別淚金燈寒夜長
滴酒相看少年事可憐令尹鬚顏蒼延陵紵縞
終辭鄭郭宗巾恰始遊梁何得途逢卽傾蓋金

尊坐掩悲含霜自言少小爲公子婉孌才情歌
笑香不悟歲華能蟋蟀每言朋好似鴛鴦悠悠
世路交情見忽忽書空良自傷新知那覺異鄉
縣片語輕相遊俠場令尹風期只如此十年前
事心悠揚侵雲嶺高虎吟嘯生波洞遠龍迴翔
手抉竒雲贈雙美看汝雄雌誰激昂

留屠長卿不得

詩

杯殘忽不懽空堂燈影寒十年一笑長安邸
嶮歷落稱才子非烟漢殿香銅盤幽山桂枝愁
蠹死扁舟蹭蹬江湖輕颯來婉變蓮花城直爲
弦歌似清浦那得琴人逗長卿

長卿初擬恣遊浙東勝處忽念太夫人返

棹悵焉有作

神仙縣令如山鬼白雲青蘿石泉泚偶然堂上

遊麋鹿直向琴中殷山水不知誰子耳能清但
見似人心卽已長卿凌雲飄不飛空谷是然能
至止入門心知客不惡滿堂日成予有美莞爾
弦歌遊縣庭居然水竹如蕭寺開燈彷彿眼中
人罷酒徘徊心上事崢嶸晏歲君如何幽桂叢
山真碣磧侵雲暝石啼玄豹落日寒林隱青兕
能來去住看題筆到處逢迎須倒屣江花入夢

有年餘山木成歌非願始天台莓梁亦咫尺麗
陽片葉蓮花裏縉雲丹丘停鳳笙青田白鶴銜
花蕊與君發興期淹留盡與山經出靈詭何得
采芝未盈把便向高堂成燕喜杳嶂鳴笳響相
答赤亭風颺寒潮起山陰道上少酬接新婦巖
前初倚徙定道窮愁能著書正恐春風動遊子
君去春來誰得知脉脉芳蹊問桃李

送謝君實理高州

幾年執法文登城朱絲之直冰壺清遊戲蓬萊
幾清淺坐看海市搖空明望仙門前望仙子世
路烟波只如此秦皇漢武不得意人間那復炎
州理炎州高涼風色涼綠榕滿堂荔枝漿天池
六月一棲息珊瑚幾尺高摧藏我昔雷陽向孤
遠獨樹無陰下長坂夢隨梅嶺江南春每憶石

城夜中飯秋風莎露排烟嵐一官如寄誰可談
與君相似定相見東海勞僧湘漢南

送李參之侍尊人以魯邸傳歸漳浦

出門蒼生吾不免且閉池林自疎遣眠教女子
護春衣坐對兒郎弄秋卷惟當千里數飛蓬誰
憐三徑生苔蘚傳聞有客自南溟迎侍尊人發
東交早已才名春未深但道神交心不淺且須

杯酒興淋漓未暇論文極宣展罷相王家醴酒
清靈光巋然新賦成東郡趨庭少陵意北穀捐
書黃石情白雲隱映封中出黃菊支離江上行
雲霄驛外家山色風月樓前歸鴈聲瓏葱曉發
日南陸崢嶸夜語河西傾何得長聞李老子猶
嫌未見林先生

送鄭見素遊江東

詩

艷艷春輝發花朶寂寂春寒試燈火人日何人
清夜沈玉茗堂前風月可向昔登高平遠間滿
目滄浪無土山就中有人鄭君美學富文清幽
意間信美閒遊動千里如花攬結金陵子但聞
春草爲春生幾見情人爲情死采葛成衣秋柰
何看朱成碧春又過冉香亭下神姑酒忽忽江
皋離恨多

寄嘉興馬樂二丈兼懷陸五臺太宰

爲郎苦遲去官早歷落鄉關罷倫好忽忽神遊
京洛春泣向五臺原上草馬翁只似扶風人樂
生當作望諸君臥想少遊何可得拜築高堂曾
一聞世局風流常似此會見英雄長不死江山
歲月老閒身風雨魚龍動君子沙井闌頭初卜
居穿池散花引紅魚春風入門好楊柳夜月出

水新芙蓉往往催花臨節鼓自踏新詞教歌舞
青春索向酒人拋白髮拚教侍兒數烟雨樓前
烟雨迷鷺逗湖邊鷺逗啼但取風光是留賞越
西還勝大江西

立春過鍾陵訪黃明府貞父偶興

立春春晴殊可遊元夕受燈人不愁明發春林
意鮮好散雪如花吹弊裘禹憶西湖殘雪處笑

對汪汪入叔度緒風蘭葉迴幽香淡月梅花引
心素由來仙令有烟霞壇石山前風氣佳便移
彭澤五株柳來就河陽一縣花

懷曾舜徵衡山

年少相逢在何所山東道上風塵語零落相思
今一時美人悠悠隔江楚一上春官垂廿年滿
目無人私自憐此生薄相自應爾似子通材那

復然長安有懷未傾瀉迴雁峯前音不下忽傳
南嶽金簡文來振西方白蓮社空門酬唱老生
涯衡廬真作往來家有情身中無盡藏與子同
開心肺花

養龍歌送謝玄瑞吳越遊兼呈郭開府

君不見見養龍之墟有靈窟雲霧晦冥龍子出首
高九尺長丈餘汗花如雲氣騰勃何因得入小

明王天與皇明受英物不可控御當如何囊沙
壓之初滅沒久乃馴習如遊龍清涼山中來九
重時平初行夕月禮一塵不動怡天容皇帝賜
名飛越峰煙綃貌取雲溶溶神竒會合自有數
沙苑萬里隨遭逢何得貴陽謝生美如此齒至
龍媒尚邊鄙亦有山東坐安石兼以采芝學黃
綺譚深且曉經畧材世淺安知遊俠肯江湘放

客心盈盈吳越懷人春
靈靈爲君一擊珊瑚樹
壯不如人今老矣君不
見黔臺水鏡留青螺一
人知己將無多但是漢
家天子遠相致辦作芝
房天馬歌

以歌代書答趙仲一

景清白血流真寧邦清
吾友如其清欲留關尹
言道德稍知公子近
刑名風塵兩度相携手
咲

語悲歌一壺酒長安貴
人方見知鄉里小兒亦
何有翩翩世故不可窮
睨拄碎璧成英雄空驚
越客詛秦客未塋滕公
得趙公有母聞居差不
惡無家古寺堪留客雖
知世上眼難青何得此
中頭遽白我今與子一
恢諧爲民光景正須來
去官只有耕田手處世
都無避債臺溫公袖中
誰所寫坐我不羈置林
下一番西咲秦無人龍

泉泰阿知我者

送周子成參知入秦并問趙仲一

十年偃蹇帝京春今日驪駒新入秦黃金橫帶
東門道容顏未老參知少長安陌上羅公侯驅
車策馬爭上頭問君何所苦富貴坎壈而長愁
自言平生歷落心好道摘白爲官有何好遊閒
上有滄浪天世上浮榮真可憐君不見清遠道

人官不肯教舞看經出窮醜君今向用歸何意
黽勉從王餞君酒一路春情隨宦情蓮華終南
相送迎有興真寧問天水醉後秦聲與越聲

李伯東使君寫萬竿烟雨

漪漪竹葉何清楚一半橫斜動烟雨此君濃淡
各有情林下人稀欲誰語緣延點綴墨花香別
接風枝雲漢長獨坐江天少塵事滿懷秋色搖

瀟湘

東館別黃貞父

有序

乙巳夏小暑貞父赴徵儀曹過建武辭謁予
送之勗南東館適伯東參知馳書來別貞父
因以墨客所作雪景卷併寄予云午日別貞
父時江閣風雨寒甚因憶沈啓南六月添衣
畫雪次韻爲別貞父命予書其後追憶十年

前別貞父湖上正雪臺殿竹樹蕭然如此畫
中也因及之至如石田詩顛倒炎涼聊戲爾
又何今昔之感云

午日送客風雨寒參知凍飲留江干爲言沈周
曾六月醉起添衣畫雲雪江天曉閣爭黃昏行
人旅泊愁銷鬼指揮墨客寫爲別天機偶發非
涼溫六月雪花吹不去冰玉相看宵難致不知

東館是炎天憶別西湖有寒意

粒粒歌

米粒粒我所入不愛惜之真可泣書篇篇我所
箋不愛惜之真可憐何足可憐何足泣窖粟藏
書爭緩急清遠樓頭咲一場後輩誰開玉茗堂
無人解種豐年玉不作書囊作飯囊

送葉納延令福山歌

池上芙蓉枝臨流映高潔豈不懷清霜幽意自
相悅周旋未云久忽此新橋別江南氣猶燠度
淮天欲雪今去何當行路難前來正坐催科拙
詔書絡繹行催科縣官踏促當如何男兒不肯
負心仰天嘆河陽海曲長奔波我昔彈琴括蒼
曲十載田園媚松菊稚子告予君欲行忽忽鳴
騶思出谷把酒搔頭臨近關鴻雁天高叢菊班

年來有興蹈東海與君一望三神山

臨書發蠶許新採潔官都到當收河畏良不官
並天滄雲今去可當許韶難前來玉坐對採時
卧斜風式未云入感此滌醴既武南屏醴與喪
欲上芙蓉對韶齋如高紫豈不對畫霽幽意自

玉茗堂全集

臨川義仍湯顯祖著

詩

五言律

古意

春澹曲墀滋風輝遙翠時含情望朝日淥嘆在
新知鬱鬱青門道悠悠湘漢期玉壺起行酒迴

淚濕青絲

九江送王元景之登封

匹馬歲將晏遊人多暮思廬峰天子氣緱氏僊
人祠客夢流鶯過鄉心寒露滋從來深意氣別
酒詎能辭

送華楚客歸夷陵

聞君有期契千里暮能過草綠朝雲宅花深明

月沱春聲逐棹遠江色漾帆多別有啼鳥夜
琴清怨和

德州逢李道父觀察

太史南河盡朝陽東路行星辰郎位合煙雨嶽
雲平魯酒能香色燕歌到羽聲知君有竒氣長
揖漢公卿

河上送張明府

河朔秋將晚
黎陽縣欲花
鳴琴當夜色
別酒送年華
白髮滄洲遠
高歌雲漢斜
經過鄴城下
自古欲長嗟

龍潭高閣二首

鱗樹紅無地
巖簷綠有江
蝶花低雨檻
鼉竹亂秋窻
楚瀝杯誰個
吳歌榜欲雙
崩騰過雲影
滬浥片心降

真州好風色
曉發坐林樾
听艤丹餘圻
潭窺翠欲氛
蟬啼秋樹影
漁唱暮江雲
草閣何曾到
蕭然爲此君

第五子生

誕月多春色
彌年得和音
功名吾不免
兒女婦能禁
繡葆花文重
銀錢福字深
從來湯餅宴
仙署幾迴臨

送楊安入太原軍

星使三河外春王二月初風雲臨上黨花鳥入
昭餘關近笳聲急川遙騎影虛世途君自見長
嘯欲何如

銅陵

向夕燕支峽遙分白馬耆滄浪荷葉點春色鳳
心知邑小無城郭人懼有歲時誰憐江月影懸

弄五松枝

送袁生漢中

君去旬陽道初過明庶風居人緣沔上都尉治
褒中渚菼浮衣碧墟桃引幔紅秦吳千里色流
恨曉雲空

河林有酌

風亭移石竹爲客正開襟宿鳥過殘雨吟垂傍

積陰故心人不淺秋色夜方深便合丘中去相
招鳴一琴

初至江關

朔方空水陸南國自山川夜月啼飛鵲秋風咽
斷蟬宦遊長是客吏隱卽爲仙剩有青燈在鳴

榔上酒船

送歐虞部

秋興君能發詩名衆所聽登臨人共遠遙落醉
初醒客髮過梅嶺鄉心到草亭遙遙槎上客知
作老人星

送客避難和州

歷陽江外望亦足小翩翹曉色連雲觀春香太
子泉胡姬初進酒劍俠晚尋仙未必逢津吏漁
歌起暮烟

送客湘西

芳意自不淺
湘沅蘭未稀
爲君歡欲舞
今日醉言歸
葉下秋生鬢
潮迴月滿衣
相逢問形影
寒塘孤鴈飛

鷲峰寺別季孟陽

幻色餘香細
閒遊去未曾
林塘淒夜竹
河幔隱秋燈
無明今日盡
恩愛舊人能
欲向南朝寺
抽

衣施講僧

對客二首

流泉亦可聽
風色倍泠泠
去住人難定
登臨酒易醒
吟虫過暮雨
來鴈響秋汀
祇合瀟湘路
彈碁坐竹亭

多年成散木
此日更浮萍
漉酒幽人至
吟詩少婦聽
園林開夜色
河幔卷秋星
却憶鍾山隱
時

時問草亭

寄李少華

關門氣方遠華嶽道爲尊
夜色仙人掌春星玉女盆
琴歌隱洞壑枕席過河源
今日長安客求仙未敢言

題王逸人莊

金盤河色外石屋華峰西
日氣草熏陌花光雲

映溪空巖人語迴簷壑鳥飛低
直置堪長隱東陂魚稻肥

送蘭道者往天台

地脉連湘曲天台坼海邊
來霑清月影去躡紫霞鮮
雲日消春色關山流暮煙
靈氛真冉冉虛此挹神仙

出關至滄州阻風

人路原非遠歸心忽渺然珠人遲泣海燕客負
談天積雨棊簪滯衝風舸纜旋同人深借問舟
楫在長川

江上送張七歸楚

白疉縈簪冕清時得芰荷雲霞江色杳梧竹野
陰和世外何妨笑人間忽自歌獨憐湘漢客無
柰醉醒何

送客歸岳州

楓隱號蟬急林開放鷓輕柳煙眠際穩江月醉
餘清夜色遙湘渚秋陰冷岳城遠隣洞庭水漁
笛與歌聲

過年

華年當此夕兒女足喧闐盡燭延親客長筵奉
祖先故情隨臘盡餘俗過江傳大小須饒醉平

安詎偶然

高座陪漢公

一切雨花地重遊支道林雲霞法塵影山水妙
明心境以莊嚴寂春當隨喜深金輪忽飛指江
上月華臨

懷張別駕閩中

別駕清如許還家南部郎雲霞秋色冷松柏晚

泉香縣小金牛路山幽玉女房琴歌春緬邈相
憶在東堂

金陵西園作

西園興不極北嶺望如何天影隨長澗山光遶
曲阿杏花春作淺芳草暮情多嘆息荆扉掩餘

霞江上波

送客荆南

鬢絲江海上更逐楚雲西
客舍調箏女他鄉織
錦妻桂烟湘水綠花月
武陵迷不道王孫草芳
春徒自萎

魯王孫

汶河春草色魯酒夜深情
問字吾何有聞詩爾
亦清雨歸青社曉雲起
岱宗平別有靈光殿時
聞絲竹聲

江樓送東粵翟先輩

樓上秋風遠城陰水樹微
芙蓉低木末暝色上
林霏海燕涼猶拂江鳥靜
不飛登臨澹無色還
似送將歸

白水園

微風生灌木落日餘清陰
葉卷寒芳盡花虛夕
靄深琴尊無俗意梧竹有清音
莫厭高樓曉長

聞猿夜吟

送周叟東遊

淒淒安所適云向岱宗遊
海色天門曉松聲日
觀秋封中雲欲起泗上水還流
莫作吳門望吾
衰亦孔丘

秋夜入廣別帥郎

江潭殊自嘆搖落未經知
昨夜秋聲起相逢憐

悴時園林阻芳色河漢渺佳期
起視浮雲氣蒼
梧不可思

將之廣留別姜丈

世事亦不淺幽期常自深
風霞餘物色山水澹
人心一尉雲連海孤生月在林
悠悠歲將晚隨
意惜光陰

秋發庾嶺

詩

楓葉沾秋影涼蟬隱夕暉
梧雲初掩靄花露欲霏
微嶺色隨行棹江光滿
客衣徘徊今夜月孤鵲
正南飛

小金山同陳潯州冷提運送軍府夜酌四首

偶爾出城郭扁舟潮上時
浪花寒雨釣林竹暮煙
炊過酒窓初濕鳴舷坐
欲歆金山不應小渾

覺潤州移

嶺外無搖落江中有暮潮
市樓懸入艇山閣倚縈
橋似小金山近無多碧
海遙興來江楚客長得
夜聞簫

赤海中流合金山小景開
梧雲看暝接桂瘳得寒
迴鶴迴吟隨去鷗輕浣
欲來桡榔垂一醉微月
下池臺

一官能自冷十月曉衣輕水市懸漁影山厨伐
竹聲杯憐柳子細酒得寄生清細雨炎荒外今
朝學送迎

渡羅廟

不到東洲驛來朝南海王虎門燦赤氣龍闕動
朱光銅鼓聲威漢金碑字隱唐炎池堪浴日今
夕看扶桑

光孝寺

菩提豈無樹天竺有靈僧色與波羅翠香隨簷
蔔凝根芽初佛滿花葉幾人能密意經三遠無
勞問葛藤

南海江

病餘揚粵夜伏檻遶雲煙閣道晴穿屐溪潮夜
出船時時番鬼笑色色海人眠舶上兼靈藥吾

生倘自全

出朱明觀

羅浮觀日罷出谷晚蒼涼
經去懸流寂峰過倒影長
美雲隨望盡仙草逐行香
消息梅花月歸舟興不忘

戲別冷提運

宦迹他鄉薄生香別署遙
翠欵椰子葉紅動美

人蕉酒色寒猶興春心老
不銷鹽花金盞裏還
赴粵西邀

別魯司理

目送雷陽外心銷赤海旁
壺觴薦潮汐花木送炎涼
桂死何勞蠹藹生應自妨
少年能泣玉鄉國似南漳

陳潯州

詩

何自船同夕偏過酒涉旬明珠滄海客春色武
陵人草樹他鄉別風煙一處親清濤好白石吾
欲向棲真

園居示姜緒父

林塘有佳色長日自蕭疎靜覺懷春好喧知閱
世餘夢隨芳樹遠人去落花初冒爾滄浪外何
從爲卜居

送西陽掾

慷慨何爲者悠悠鄉里親星華五渚濶風俗九
溪馴煖獵隨南客寒泉應北人黔中美花木知
是武陵春

遙憶右武自蜀赴關西

關山渺何處江海一懷人上路風雲氣初春楊
柳津王孫方去蜀公子正留秦薄暮笳音起徘徊

徊芳樹新

東莞江望白雲山

霍靡番禺路清山間白雲輕霄合縹緲叢蒼出
氤氳迥接蒼梧影微銷碧海氛安期留鳥遠仙
館若爲分

平昌送屠長卿歸省

神仙曾作縣君子遂名堂竹色朝行酒鐘聲晚

隱牀西遊人未老南至日初長那用登芸閣
秋辭賦香

鴈山種茶人多阮姓偶書所見

一雨鴈山茶天台舊阮家暮雲遲客子秋色見
桃花壁繡莓苔直溪香草樹斜風簫誰得見空
此駐雲霞

七月念日移宅沙井八月十九日瘍我西

見慘然成韻

乍有楊雲宅童烏得幾時未知歌處所先已哭
於斯蘭玉塔何異熊羆夢亦疑遶枝無淚盡不
見舊巢兒

聞梅客生監軍二首

易與官除賊難知虜合圍自公持斧出新築受
降歸按節毫毛落分旗燕尾飛賀蘭山外雪初

拂侍臣衣

叛壘新兒戲降城舊忝胡材堪惟楚有人已謂
秦無池上驄花馬臺中朝夕烏先朝曾用水絕
地見陰符

送古萍歸百丈山

到來都是淚過去卽成塵秋色生鴻鴈江聲冷
白蘋別離心草草珍重語頻頻莫待他生見還

爲慚愧人

靈谷寺寶誌塔上禮望 孝陵遇雨

香塔幾由旬登臨物外身霧迷藏豹谷雲起躍
龍津定水流功德橋山合鬼神冥冥松柏雨曾
灑屬車塵

靈谷寺浮屠憶謝友可少小鍾山之約

畫塔連風雨芙蓉入杳冥藤垂翻雀影松偃掛

龍形法湧無量殿聲飄不住鈴懸愁聚沙處并
作草堂銘

戴師席上送王子厚北上子厚名渾然司
徒北海王公公子也有物表之姿昔人之
度溽雨來辭戴公平生不飲此日連舉兕
爵數度公笑曰吾之邴原也用原字贈詩
命僕就和

去向青州榻來游白下門
蘭言接公子草色送
王孫過雨催驪曲臨風寫綠尊
不堪頻北首驅馬獨平原

與郭祠部公廨避暑

鶉節非闌暑龍光接盛筵
北風疑是畫南署
蔭非烟凍飲何妨裸彈碁
自可傳豫愁長醉後
渾欲水中眠

六卷

終

